

痞滿門

或問痞滿者。豈卽脾之積名。痞氣之痞而兼脹滿耶。
抑另爲一症耶。答曰。此痞字。固卽前文脾積痞氣
之痞。痞塞不通。按之有形而痛者。若論否滿之否。當
從否泰之否爲是。蓋天氣不降。地氣不升。是天地不
能交泰而成否。否者。閉也。上下閉塞不通之謂。滿者。
漫也。散漫不收之義。中宮否塞。脹滿不舒。故又謂之
中滿。總屬脾家營氣不足。失其運行之用。則不能分
清利濁。而無形之虛氣。停滯胸膈而成。豈得混于脾
積痞氣一門而施治哉。痞滿之脉與形証。中宮

虛飽不思飲食。強食亦多少可進。但食而不甘。精神衰弱。意興不揚。肢體困倦。懶行嗜卧。六脉微弱無神。或虛眩瀟數。治宜補益。兼用疎理。分疎則飽脹自寬。補益則元氣可復。若泥于消導剋削。必成臃脹。慎之。慎之。

痞滿主方。

白朮 二錢 陳皮 一錢五分 人參 一錢 茯苓 一錢

當歸 一錢 川芎 五分 澤瀉 五分 砂仁 五分

白蔻仁 三分 柴胡 三分

水煎。早空心午前服。

能入腠裡。則外畏風寒。清陽不能實四肢。則四肢不
振而常冷。濁氣在上。則否滿不舒。清氣陷下。則脾泄
不實。中寒則飲食難化。而喜熱近煖。六脉沉微。或遲
弱而細者。此元氣虛寒之徵也。加人參二錢。白朮三
錢。煨姜一錢五分。桂附各一錢。炙草三分。去砂。芎。柴。
瀉。芎。歸。不用。若泄瀉不止。小便清調者。并加鹽炒盆
智仁末五分。中滿。早晚服冲和資生丸。不思飲

食。早晚服胃愛丸。泄瀉服培元固本啟脾丸。下

元虛冷。濁氣浮逆者。服和中益氣丸。冲和資生丸。

見氣門脾
胃氣虛條

胃愛丸。同前

固本啟脾丸。

見泄瀉門
肺泄條

和中益氣丸

見氣門腎與膀胱氣虛條

或問余見否滿一症

有因氣者有因火者有因痰與食者則此症原

實之不同而前方主於補益豈非偏乎

答曰

之虛實蓋由新久而分余之所論者乃宗營衛三焦之元氣久虛失其升降出入周流營衛之常度已成痞塞中滿之症耳若新起之痞豈有無因而致之理為治之法須知元氣不足不能營運為本而氣鬱火鬱痰積食積為標故余脩有治標丸藥于後端為新得否滿元氣有餘者而設難與前症同日而語也若肝脾之氣不和否結脹滿而脉有力精神旺者服



沉香化痰丸。胃強脾弱。易食難消。胸有停積者。服

香沙枳朮丸。氣鬱化火作酸。吞滿噯氣。嘆息。火盛

脉數者。服越鞠丸。脾胃虛寒。飲食難消。噯腐作痞

者。服木香豆蔻丸。脾胃不和。痰食結滯于胸中。而

作痞者。服和中順氣丸。沉香化氣丸。見鬱門。香

砂枳朮丸。見內傷門。食。木香豆蔻丸。見嘔吐門。吐症條

和中順氣丸。見內傷門。食。越鞠丸。見鬱門。氣鬱條

惡心門

或問子前論嘔吐必先惡心。若噦卽乾惡心之義。又
喘言惡心。而忽遺嘔吐噦之兼症者。不自相矛盾乎。
答曰。前此三症皆有形狀可証。今之惡心無象。以形
之于外。只因胃中不和。時有畏惡之意。或有痰涎泛
溢。欲嘔之象。而實不至于嘔吐也。或問。然則惡心
之病。何以致之。答曰。惡心一症。亦有虛實寒熱不
同。食積痰飲不等。然而受病者。止於胃也。當以脉症
叅考。則易于調治。苟若虛虛實實。以寒益寒。以火益
熱。火傷胃氣。能令人飲食不進。陷于危亡。蓋胃爲後

天資生之本。所謂有胃則生。無胃者死也。惡心之

脉與形証。無頭痛發熱惡寒諸表症。但覺泛泛欲

吐者。此胃家初受寒邪惡心也。右氣口脉必浮緊。或

浮滑。若常覺胸中痰氣不和。喉間泛泛作惡。或吞酸

或吐酸。關脉沉滑。或濡軟者。停痰積飲也。久病體虛

之人。脾胃元氣不足。不思飲食。見食惡心者。虛寒之

症也。脉白虛微無力。寒氣惡心治法。胃中暴受

寒邪。非溫中。則寒凝不散。若寒痰濕飲。則當和中健

脾。利痰燥濕。脾胃虛寒。六脉沉微。非大補元氣不止。

惡心主方。

半夏三錢

茯苓

一錢五分

陳皮

一錢五分

藿香

一錢

厚朴一錢

甘草

三分

生姜

三片

水煎不拘時服。

二陳湯。和中清胃。順氣理痰。嘔惡之要藥。佐以厚朴。藿香。生姜之辛溫。則中寒自散。胃氣平和。而惡心立止。如受寒。加蘇葉一錢五分。以其氣味辛香。能散寒之外觸也。蘇合丸可用。有食。服木香荳蔻丸。若痰飲爲病。加白朮二錢。枳實一錢。炒蒼朮五分。去藿香。厚朴。服橘半枳朮丸。元氣虛。而胃寒脾弱。加人參一錢五分。白朮三錢。炒砂仁五分。去藿香。厚朴減半。



夏之半服參附理中丸

蘇合丸

見中寒門寒中太陰條

本

香薷薏苡丸

見嘔吐門吐症條

橘半枳朮丸

見痰飲門五飲條

參

附理中丸

見中寒門寒中太陰條

或問子言惡心有虛實寒

熱痰食之不同今僅言虛寒痰飲治法而竟遺實熱

飲食之方者何也

答曰凡痰氣火并結或飲食停

積皆屬有餘之症而兼惡心者也各見本門故不再

贅不若此三症以惡心為主而別無他症故止于前

方加減耳



中酸門

或問人有飲食入胃。便云作酸者。何也。更有本無飲食。可以作酸。而有嘔酸。吞吐之不等者。又何也。答曰。濕熱鬱蒸之氣。化爲酸。又曰。曲直作酸。肝之味也。飲食入胃。苟脾虛不能健運分消。必致停留醞釀。其濕熱之氣。化而成酸。此有形致無形也。若肝脾不和。木陷土中。不能條達。致無形之氣。抑鬱不舒。胃爲水穀之海。于是濕熱之氣。相干。火木上交。併遂致清濁不分。而水穀之精微。不及遊溢。上輸於肺。爲津爲液。以溉五臟。反停滯本胃。而變爲痰涎。復因脾之不運。

併痰涎鬱滯而不利。初則嘔酸。酸而可嘔。尚在有形無形之間。若日久。則爲吞酸。有酸可吞。浸浸乎成形矣。吞酸不止。遂至吐酸。不惟有形。甚至滿而溢也。此從微至顯。自無形化有形耳。故嘔酸屬之濕熱鬱蒸之氣。吞酸乃濕熱所化之痰。若吐酸。則素有停痰積氣。併新入之水穀。三合而成也。譬之物遇秋冬。涼氣所襲。則氣味不變。可以經久。若逢長夏。濕熱鬱蒸。易成酸腐。大約土木火三氣。醞釀不清而致。濕熱痰涎食積。復由濕熱痰涎食積而成酸症也。明矣。酸症之脉與形証。凡飲食下嚥。未幾而卽酸者。胃中本

有濕熱之氣。欲洩未洩。反因飲食入胃。衝逆而上。或飲食未及消化。停久方覺作酸。兼之噯腐倒飽者。脾虛不能健運也。本無飲食。但覺喉間常有酸味。欲茹欲吐。究無可茹。無可吐者。噯酸也。喉中時有酸涎泛溢。吞之若有吐之則無者。吞酸也。有物有聲。非酸痰數口。卽併宿食水液而傾倒者。吐酸也。吐酸乃番胃之漸。不可不預爲之脩也。六脉多沉。沉弦爲氣鬱。沉弦而數。爲鬱熱。沉數而軟滑者。爲濕鬱。沉滑而微弦者。爲痰飲。酸症治法。此症多由營氣虧損。肝脾不和。治法先宜健脾益營。疎肝清胃。健脾卽燥濕。

疎肝即開鬱。清胃即理痰。又所謂木鬱達之火鬱發之土鬱奪之也。

酸症主方。

查肉 三錢 茯苓 一錢五分 白朮 一錢五分 廣橘紅 一錢五分

神耑 一錢 半夏 一錢 黃連 一錢 青皮 五分

生姜 三片

水煎。午前後服。

氣鬱者以青皮查肉化氣痰鬱者以半夏橘紅消痰濕鬱者以黃連神耑化濕熱是病本于肝脾不和以茯苓白朮健脾查肉青皮疎肝 嚙酸者加砂仁末



一錢去查肉。吞酸者加蒼朮一錢去青皮。吐酸

者加枳實一錢五分。火盛者加炒山梔仁一錢服

清鬱丸。如中氣虛弱加人參一錢服資生丸。如

脾陰不足血虛火盛加炒白芍一錢服安神丸。如

氣鬱否滿加柴胡一錢服越鞠丸。如痰多加半夏

一錢五分服芩連橘半枳朮丸。若心脾不足肝氣

不和痰氣併火結者服三因冲和丸。清鬱丸見血

條鬱冲和資生丸見氣門脾安神丸見火門心與

越鞠丸見鬱門芩連橘半枳朮丸見鬱條三因

冲和丸見積聚門心脾之積條

古今圖書集成醫部全錄卷一百一十五



江

卷五

口

三



嘈雜門

或問嘈雜。係何氣使然。有得食而止者。有得食而反
否滿者。論否滿不宜嘈雜。若嘈雜又不宜否滿。作何
分治。答曰。此症有虛實不同。而治法亦異。蓋氣有
餘便是火。嘈雜一症。惟火使然。但火有氣虛氣鬱。所
化之火。爲有餘。有血虛火盛之火。爲不足。有餘責之
於脾胃。營氣鬱結。不足當責之心脾。陰血虧損。嘈有
似乎微疼。雜則類于虛煩。當又有虛實之別。不可不
知。大約有餘者。嘈而不雜。不足者。嘈雜兼之。嘈雜
之脉與形証。或脾胃營氣不足。或肝脾之氣不和。